

四庫全書

集部

欽定四庫全書

集部

元詩體要卷五

六

詳校官中書_臣瞿 照

助教_臣常循覆勘

總校官庶吉士_臣何思鈞

校對官學正_臣常 循

謄錄監生_臣鄧以伊

欽定四庫全書

元詩體要卷五

明 宋公傳 編

歌體

猗迂抑揚永言謂之歌有高下之節誦之使人興起
若君臣之賡歌五子接輿滄浪之歌見於經傳非擊
壤卿雲之比讀者不可以不察觀所取者尤見古今
之不同也

西山歌

李存

西山有廬以我逶迤東田有稌以我療饑春之日宜桑
為父母裳冬之日宜酒為父母壽

范增撞玉斗歌

陳泰

鴻門醉兮幙張黑雲壓兮芒碭臣令莊兮起舞伯何為
兮誤莊重瞳兮日光高準兮龍章風塵瀕洞兮誰虜誰
王我所惜兮謂王之缺臣事不濟兮心與斗裂嗚呼爾
為漢蔽兮為忠臣千秋萬歲兮爾楚無人

虞美人夜泣歌

星熒熒兮隕空淚灑灑兮帳中妾生誤王兮妾死無從
天若祚項兮天迴楚風王乘騅兮為龍妾埋骨兮江東

東山棹歌上克齋董先生

陳孚

東山之水兮其流湯湯秋風起兮白蘋飄香有美人兮
芙蓉裳葦荷屋兮䟽以杜衡雲依依兮時在旁昔與雲
出兮霖八荒今與雲歸兮一竿滄浪睇乾坤兮淡無光
寧綠蓑兮遺金章嗚呼安得從之兮徜徉

東山之水兮飛白漚白漚飄飄兮天光不流有美一人

今蓮葉舟舟之來兮風颼颼舟之去兮荻花滿洲貌將
駭兮飛虬紫紅竿兮北斗為鈎引六鰲兮歸墟之丘鳴
乎安得從之兮遨遊

飛蓬亭歌

江南澤國多烟水年少輕身作遊子邇來衰老畏奔馳
忽作飛蓬平地起飛蓬主人人中仙曾乘千斛凌風船
船頭畫鼓催行酒船尾紅粧歌采蓮收篙卷綸今尚樂
却悔從前風浪惡青雲裘褐一漚身白髮山林五湖客

我來花霧紅霏霏此蓬如山何處飛但當共坐索醪酹
溪堂過雨春魚肥君不見鷓鴣夷名成滄海去富貴畏人
如脫兔又不見羊裘釣客桐江上一出張皇動天象何
如主人飛蓬亭上飲醒與客吟酣即寢寢酣忽作江南
夢風雨漂搖蓬不動

弔故宮

杜瑛

月上觚稜椒壁濕饑鳥啄碎琅玕石劫灰飛盡海揚塵
廢殿荒臺土花碧洛陽書生汴梁客一夜春風頭欲白

尊中賴有酒如泉醉倚寒窗破愁寂

岳王墓

韓中村

妖星墮地芒角赤龍劍悲吼風蕭瑟中原王氣挽不回
將軍一死鴻毛擲秦家小兒真戲劇播弄造化搖樞極
指讎為親忠為逆隻手上遮天眼力九闕茫茫隔天日
無由下燭臣愚直臣愚萬死不足惜國恥未湔猶憤激
古墳埋冤血空碧風雨年年土花蝕我恐精忠埋不得
白日英魂土中泣請將衰骨斲出荒苔痕獻作吾皇補

天石

蘇小小歌

辛文房

東流水底西飛魚，銜得錢塘紋錦書。
幾回錯認青驄馬，著處閒乘油壁車。
鸚鵡杯殘春樹暗，蒲萄衾冷夜窗虛。
蓮子種成南北岸，苦心相望欲何如。

幼輿折齒歌

羅礪谷

秋衫未成錦機語，棠梨半花鳳一羽。
象床雪縵小龍梭，細冗銀光吐冰縷。
西隣郎君東海歸，芙蓉半白杏雨肥。

十二闌邊說幽怨勸織南浦鴛鴦飛含蘭匿蕙無消息
春醒彤霞漾玉色小龍呵出風雨聲奔騰觸裂雙白石
白石國城三十六女子軍來兩城覆鸞歌猿嘯強激昂
百戶風來如箭鏃章臺公子真豪縱復以微言相感動
郎君切莫更癡心忍作甘心可人痛

莫愁歌

周竹坡

蓮花深紅蓮葉綠平沙月上鴛鴦宿青腰三板蘭作橈
月下莫愁歌一曲移舟入花花轉深花深調苦難為音

江邊夜半誰為語只有嬋娟知此心露花漸白月漸午
刺舟自覓來時路明朝繫纜柳邊門却在夜來潮落處

夢兩雛

揭傒斯

阿英十二能辟纊阿牛五歲貪讀書辟纊成縷無人織
讀書有志令人惜汝父飄零汝母休吾親雖健俱白頭
雨聲斷道風驚屋阿婆獨抱諸孫哭

吹簫歌贈金精山人陳天佑

吳漢儀

金精之山何嵒嵒夜深明月涼蕭蕭中有可人好絲竹

抱明月兮吹洞簫簫聲嗚嗚響空碧潛蛟起舞山魃泣
含宮嚼羽妙入神月落參橫朔風急曲中却憶秦樓女
秦樓縹緲知何許鳴鳳雙飛竟不還至今遺事傳千古
君留吳中猶未發我亦知君調殊絕明朝却賦歸去來
吹簫還弄金精月

古劍歌為吳真人作

楊載

閒閒真人藏古劍敬之如神不敢忽賓客來時求一觀
輒有悲風起倉卒人言此是金鐵精良工煅煉久始成

動搖天地合變化摩蕩日月含光晶昔年有蛟起江中
口吐烈焰燒長空下民流溺上帝怒雷電往擊皆無功
嘗持此劍斬蛟首流血滔滔浸廬阜傳記傳聞時既久
不意世間今尚有吾過下里多惡氛魍魎魑魅能食人
請君為我絕此怪一洗宇宙長清新

月氏王頭飲器歌和貫學士韻

祝蕃

單于寶刀寒映雪月氏髑髏飲冤血泥丸真人辭絳宮
麴生時能醉其骨閼氏夜帳葡萄香拍_秋春霞灩秋月

賢王起舞谷蠡歌傳飲惟呼兩耳熱燈前人影半闌殘
燈後青燐已明滅持盃本為澆嶙峋胡為對此傷精魂
弓蛇猶能致惑疾智瑤豈是無心人頭顱如許當速朽
生擒誤入仇家手忍將鳴鏑射頭曼吁嗟降王亦何有
後來漢使浞水東猶待留犁澆盟酒

南北風歌

南船順水還順風高帆疾過如飛鴻北船逆風還逆水
百丈牽江纜數里南船揮手謝北船不須腸斷南風前

自緣行色有南北未必天心偏順逆明日南風換北風
北船却與南船同

木棉歌

熊礪谷

秋陽收盡枝頭露烘綻青囊翻白絮田婦携筐採得歸
渾家指作機中布大兒來覓襦小兒來覓袴半擬償私
債半擬輸官府竹籠旋着活火熏蠹蟲母子走紛紛尺
鐵碾出瑤空雪一弓彈破秋江雲中虛外泛搓成索晝
夜踏車聲落落落車聲繞冷催上機知作誰人身上衣小

女背面臨風泣憶曾隨母園中拾

蘇武李陵泣別圖

歐陽伯恭

初連山前箭如雨渤海岸邊羝不乳同是肝腸十九年
白髮君歸朝故主臣心有血一斗許亦欲隨君歸
鼙鼓
五千健兒五千母臣若獨歸魂魄苦空將老淚寄君歸
歸灑茂陵墳上土

天馬歌

揭傒斯

天子仁聖萬國歸天馬來自西海西玄雲披身玉兩蹄

高餘六尺脩倍之七度海洋身若飛海左海右雷霆隨
天子曉御慈仁殿天風忽來天馬見龍首鳳臆目如電
不用漢兵三十萬有德自歸四海羨天馬來庶政平天
子仁聖萬國清臣願作歌萬國聽

又
宋无

天馬天上龍駒生天漢間兩目夾明月蹄削崑崙山秣
元氣飲沆瀣天步超人寰天公玉帝老不騎饑食虎豹
出九關滅滅沉沉流彗姿歛承紫霞顏黃道三十六萬

里日馳周天去復還時乎降精渥注中龍性變化終難
攀天馬來瑞何朝化為龍應童謠騶虞仁獸恥在垺龍
亦絕迹歸赤霄風沙豈無大宛種雖有八極安能超天
馬來雲霧開天廐騷裊鳴龍媒龍媒不鳴鳴駕駘

奉和效古意醉歌

范梈

憶昔初年三四齡當客唯對聲泠泠夜誦漢賦一千字
朝來千字仍心冥自許英年逼華蓋豈信流光不相待
祇今四十少二年坐合立忘足悲慨我當贈君金縷羅

君當贈我黃鵠歌吳南水遠春似畫欲行未行可奈何
莫使風雷寄鳴銑莫嘆羊裘墮烟雪人生萬事如春花
瑤花雖晚君須折

過嘉興

薩都拉

三山雲海幾千里十幅蒲帆掛秋水吳中過客不思家
江南畫船如屋裏蘆芽短短穿碧沙船頭鯉魚吹浪花
吳姬蕩槳入城去細雨小寒生碧紗我歌水調無人續
江上月涼吹紫竹春風一曲鷓鴣詞花落鶯啼滿城綠

過采石

聶古柏

采石江頭秋月白蛾眉亭下灘聲咽
繡衣玉斧曉霜寒
同是天涯苦行客酒仙一去海生塵
青山三尺埋衣巾
清江白鳥自今古岸草汀花空復春
我欲御風遊八表
醉裏豪情覓三島閭闔雲深不可攀
回首江南數峯小

虞美人歌

楊維禎

拔山將軍氣如虎神驪如龍踏天下
將軍戰敗歌楚歌
美人一死能自許愴惶伏劍答危主
不同野雉隨仇虜

江邊碧血吹青雨化作春芳悲漢土

平原君斬美人歌

平原君起朱樓美人盈盈樓上頭
槃跚跛者彼何叟美人一笑槃跚愁
門下士引去不可留美人高價千金直
千金不惜美人頭君不見帷中女兒觀跛者
一笑五國生戈矛

送日本僧太歲歸國歌

山為城海為池秦童子國東海垂有九一統薄海外其

王歲貢來珍奇太歲子雪須眉七條掛在扶桑枝跨海
來從震旦國之師取經徑往西天西神杯蹋浪浪花白
浪花作雨青天低城頭鼓響城下馬嘶花袍國王接幢
蓋人從大唐國裏歸

嶧山 鮮于樞

東方巨鎮宗岱宗羣山列侍臣妾同西南崛起一萬仞
却立不屈如爭雄何年天星下天宮墜地化作青芙蓉
外如刻削中空洞閭風玄圃遙相通我昔東遊訪青童

羣仙招我遊中峯悔不絕粒巢雲松失身誤落塵網中
如今可望不可到艤舟空羨冥飛鴻神仙可學事亦晚
安用屑屑悲秋蓬吾聞嶧陽有孤桐鳳凰鳴處朝陽紅
安得斲為寶琴獻天子為民解愠歌南風

谿山風雨圖

李孝光

元氣鼎鑪生蛟龍銀河倒插青芙蓉九疑正在九州外
碧樹悄悄連丹楓上有萬古不死之明月下有掀天巨
浪之長江有客有客陸龜蒙往來江南成老翁天地無

窮屢迴首放船去踏江上峯船頭十日懸青雨風扶銀
河映東戶山隨沒鷗落中原水作巴蛇走全楚向來英
雄定黃土空遺絹素留今古天地一合如金甌萬歲千
秋奉明主

山中苦寒歌

李坦之

深山苦寒弗可居門前積雪三尺餘陰崖一夜石脫骨
寒溜萬尾水垂須道人凍臥山之麓暮熱松明煮溪綠
山陰孤棹期不來夢入幽厓聞折竹征西將軍持短兵

馳馬夜渡黃河水關東諸將面欲裂嚴光獨釣桐江雪

女兒浦歌

揭傒斯

女兒浦前湖水流女兒浦口過湖舟湖中日日多風浪
湖邊人人還白頭

大孤山前女兒灣大孤山下浪如山山前日日風和雨
山下舟船自往還

擢歌

傅若金

河中日日水悠悠誰道人心似水流河水灣迴有時直

人心屈曲幾時休

去年船裏逢端午今年船裏又端陽九節菖蒲本仙藥
如何曲曲似愁腸

小娘歌

元好問

吳兒汧路唱歌行十五和歌聲唱得小娘相見曲
不解離鄉去國情

南來遊騎日紛紛斷岸長堤是陣雲萬落千村藉不得
城池留得護官軍

山無穴洞水無船單騎驅人動數千直使今年留得在
更教何處過來年

青山高處望南州漫漫江水遶城流願得此身隨水去
直到海底不回頭

鴈鴈相送過河來人歌人哭鴈聲哀鴈到秋來却南去
南人北度幾時迴

風神昨日又今朝踏碎了頭路更遙不似南橋騎馬日
生紅四尺繫郎腰

竹溪梅塢淨無塵
二月江南烟雨春
傷心此日河橋路
千里荆榛不見人

太平婚嫁不離鄉
楚楚兒郎小小娘
三百年來涵養出
却將沙漠換牛羊

饑鳥坐守草間人
青布猶存舊領巾
六月南風一萬里
若為白骨便成塵

黃河千里扼兵衝
虞虢分明在眼中
為向荆湖諸將道
且休誇說蔡州功

行體

步驟馳騁有如行書謂之行宜痛快詳盡若行雲流水也考之樂府有怨歌行長短歌行之類唐人效之者多要必辨之而識其體是編不為聲律之所拘若孤雌行烈婦行劉平妻巴陵女感發奮厲有古貞烈之風不可以不取其餘亦可尚矣

早朝行

王士熙

石頭啼鳥翻曙光千門萬戶開未央丞相珂馬沙堤長

奏章催喚東曹郎燕山駟騎朝來到雨澤十分九州報
輦金馱帛分遠行龍沙士飽無鼓聲閣中龍床琢白玉
瑟瑟圍屏海波綠曲闌五月櫻桃紅舜琴日日彈薰風

春晚行

張嗣行

夢魂短短春宵殘喑喑鷄語催征鞍東方彷彿淡烟曉
柳露細拂征衫寒僮僕前行指予路那箇長亭經某處
離情莽莽不分明黯淡孤村半烟樹

春日行

林霽山

柳花袞雪春冥冥溪風一夜吹為萍萍隨風去渺流水
人生無根亦如此故山入夢草芊芊半窗疎雨寒食天
曉來白髮稀可數多少朱顏化黃土高原冉冉青烟斜
麥飯灑松能幾家子規叫殘金粟墓繭紙蘭亭亦飛去

又 李坦之

東風入樹吹流鶯曉窗欲曙花冥冥美人窗間動曉思
鶯聲枕上提春情座中日出花滿城城南春深楊柳青
王孫不歸消息斷深閨無人春草生草生猶有時王孫

何日歸斜陽照流水萬里長相思東園三月花爛開西
隣胡蝶雙飛來明年蝶去春無主閉門花落愁如雨

春風行

陳孚

子規催春春欲去海棠片片飄紅雨幽人豈無兒女情
懶聽畫樓鶯燕語東風吹到古渡頭淡烟渺渺橫孤舟
孤舟撐入菰蒲裏日落未落波悠悠遠峯幾點青未了
前浦冥冥沒白鳥獨倚短篷聽漁歌不知人世居

缺

清明日

唐玉潛

萬花正開風雨惡
曉起新晴花正落
老夫未起失芳期
賞心但覺隨年薄
今年花落明年開
去年看花人不來
死生榮悴俱可哀
綠陰滿地成蒼苔

暮春會同年作

黃清老

青山林下啼班鳩
綠楊門前嘶紫騮
落花成陣作春雨
東風淡淡雲悠悠
美人捲簾日在手
蝴蝶飛上珊瑚鉤
南溪不見筍成竹
擬約滄波同倚樓

川鳧浴日金粼粼
垂楊馬嘶三月春
遊蜂舞蝶總愛客

飛絮落花時近人東風吹水入銀甕芳草為我鋪綠茵
更催朝露染魏紫舞袖一拂南山塵

弔古行

于介翁

蒼梧之南湘水頭烟波逐客增離憂重瞳孤墳閔白日
雙娥貞佩搖清秋江空夜聞鬼對泣泣罷仍為鼓瑤瑟
瑟聲漸杳江聲長丹楓墮影天霜白臨江被髮招帝魂
拔劍欲斷東流奔東流無窮帝不返嗚呼薄俗無由敦

望夫磯

劉時中

望夫山頭日欲頽望夫山下江聲哀山頭日日風雨惡
江頭不見行人回空山亭亭幾朝暮猶記行人去時路
知君渡河長不歸恨不當年逐君去此身化石千仞磯
石猶可轉心不移長江水涸黃埃飛行人應有歸來時

金谷行

楊真

洛陽園池天下無金谷近在西城隅晉時花草不復見
野人猶解談齊奴齊奴豪奢誰比數酒酣愛擊珊瑚樹
後堂春風滿桃李中有一枝名綠珠千金買步障百金

買氍毹時時吹笛替郎語雲窻霧戶長歡娛層階欲下
須人扶豈料一日能捐軀紅飛玉碎頃刻裏空使行客
悲躊躇樓頭小婦感恩死君臣大義當何如

居庸行

揭傒斯

昔我望居庸南今我出居庸北岩巒爭吞吐風水清且
激逶迤數十里曲折殊未息關門兩向當天開馬如流
水車如雷荒雞一聲關吏起列宿慘澹雲徘徊山盤盤
石圍圍山如龍石如虎龍怒欲騰虎欲舞太行餘勢猶

如許昔不容單車今馬列什伍聖人有道關門開關門
開千萬古

孤雌行為鄆城節婦作

有鳥有鳥雌雄相追哺雛未飽鳴且飛雛未長雄乃死
子亦隨朝朝暮暮唯孤雌長林廣野風日美步步不敢
離故棲燕雀搖颺差復池迴身何惱遞相欺誰憐孤雌
心到死終不移更有許州鄆城徐氏母一生抱恨守空
閨

烈婦行

趙孟頫

至元七年濱州軍事劉平之戍棗陽與其妻胡
俱道宿車下平為虎所得起追及之殺虎脫其
夫吾聞之中原賢士大夫如此乃為感激慷慨
作烈婦行以歌之

客車何焯焯夫挽婦為推問君將安去言往棗陽戍官
事有程宿車下夜半可憐逢猛虎夫命懸虎口婦怒髮
指天十步之內血相濺夫難再得虎可前寧與虎死毋

與虎生呼兒取刃力與爭虎死夫活心始平男兒節義
有如此萬歲千秋可以事明主馮婦卞莊安足數烏乎
猛虎逢尚可寧成寧成奈何汝

劉平妻殺虎行

楊維禎

劉平妻胡氏從平戍棗陽平為虎擒胡殺虎爭
夫千載義烈有足歌者猶恨時之士大夫其作
未雄故為賦是章

夫從君妾從主夢魂猶痛刀箭瘢况乃全軀飼豺虎拔

劍誓天天為怒眼中於菟小如鼠百年虎鬼冤魂語精
光夜貫新阡土可憐三世不復仇泰山之婦何足數

巴陵女子行

郝經

己未秋九月王師渡江大帥巴圖爾自鄂渚以一
軍覘上流遂圍岳岳潰入於洞庭俘其遺民以
歸女子誓不辱于兵書詩衣帛見意赴江而死
余悲其志作巴陵女子行

北來諸軍飛渡江突騎一夜滿岳陽樓頭火起入閭巷

曹伍偶走如牛羊巴陵女子尚書婦生平不識門前路
亂兵驅出勢蒼黃夫婿翁姑在何處吞聲掩淚行且啼
啼痕沾濕越羅衣此生忍使人再辱裂帛暗寫臨終詩
上言社稷安危事下說投江誓天志一回宛轉一悲辛
心折魂飛不成字詩成淚盡赴江流蛾眉蕭颯天為愁
芙蓉零落入秋水玉骨直葬青海頭古來烈婦纔一二
誰似巴陵更文理名與長江萬古流丞相魏公還不死

白楊行

吳志淳

真定劉生客死閩中同行者為歸其骨其妻胡氏自圖夫容以祀因哭而絕鄰人憐之遂合葬鍾陵東門故又號曰鍾陵行

鍾陵東門白楊樹行人指點是雙墓墓中夫婦俱少年一雙白壁埋黃泉黃泉相逢語嗚咽一一從前向郎說前年郎去客三山今年郎歸白骨還當時自畫蛾眉樣今日却寫郎容顏容顏轉似心轉切叫郎不應心斷絕生時不得逐郎行死時却與郎同穴丹青遺像留人間

年年淚竹寒生斑當年曾過延平渡還見雙龍化劍灣
堂前既無父與母堂下又無兒與女使妾有子堂有姑
丹心一寸那能枯一朝盛事付流水忠義幾人能到底
秋風月冷鳳凰來與郎同上吹簫臺

飛花行贈馬衢州

戴帥初

山上風花山下飛花飛欲盡山翁歸歸遲亦自忘行跡
但覺滿地紅依依餘花更惜隨溪去溪上遊人山下路
戀家漁父斷來蹤避難劉郎記前度花開花落春風前

我昔與翁同少年祇今鶴去但華表何處鳥啼悲杜鵑
遊人自遊春自暮從翁問花花不語且當向花日日醉
醉倒花前學花舞

落花行

吳師道

東風吹花花作團美人脉脉憑闌干倦投紅筵逐舞鳳
故尋翠袖縈釵鸞去年送別城南道城南飛花委芳草
關河萬里人未歸風雨一番春又老抱愁無語還深閨
拂釵攬袖香依依綠陰瑣窻蝶影斷空枝弔月鵲聲悲

青春不復悲遊子不顧期美人掩淚長相思恨身不似
花能飛花飛終恨沾塵泥安得與花飛去陽關西

大信晚泊呈舟中諸公

揭傒斯

千家楊柳江當門東梁西梁兩岸蹲連牆大艦集日昏
撻金伐鼓海上聞小江更出采石後前人立功後人守
大信花采石酒陌上相逢莫迴首

武昌舟中觸目

兩髯背立鳴雙櫓短簑開合滄江雨青山如龍入雲去

白髮何人並沙語船頭放歌船尾和蓬上雨鳴蓬下坐
推蓬不省是何鄉但見雙雙白鷗過

送兄孟脩還江西

虞集

老兄五月來作客八年不見頭總白五人兄弟四人在
忽憶中郎淚沾臆我家蜀西忠孝門無田無宅惟書存
兄雖管庫實父蔭弟竊餘澤承君恩文章不如孟氏好
叔氏最少今亦老五郎十歲未知學嗟我胡為長遠道
諸兒讀書俱不多又不力耕將奈何憂來每得二三友

看花把酒臨風哦蜀山嵯峨歸未得盤盤先隴臨川側
碧梧翠竹手所移應與青松各千尺南風吹雪河始冰
兄歸烏帽何煢煢明年乞身向天子共讀父書歌太平

紈扇行

李洞

誰家玉貌蒙清霏手揮紈扇臨東池瀟湘搖波月弄影
碧波疑見湘江妃淚痕竹上猶未滅一尺冰紈萬愁結
風吹翠袖卷寒烟汗入紅肌凝素雪深閨無人涼氣早
輕薄恩情易衰老昔隨蝴蝶上春衣今逐流螢向秋草

不見班姬染翰時
空遺漢宮題扇詩
千年怨墨已零落
一天霜露沾人衣

美人行

劉因

美人娟娟秋水隔
烟霧深沉蒙玉質
日逐晴波去不歸
遙山只有行雲碧
碧雲日暮心悠哉
窻前一夜梅花開
平生自信心如鐵
一寸相思一寸灰

白鴈行

北風初起易水寒
北風再起吹江干
北風三吹白鴈來

寒氣直薄朱崖山乾坤噫氣三百年一風掃地無留殘
萬里江湖想瀟灑佇看春水鴈來還

北風行

張翥

長河風急波浪惡青天晝黃塵漠漠飀飀渡中舟盡泊
官船捲帆與水爭牽馬毛缺撾不行禿樹掛戛枯蓬驚
夜深風定浪聲死窻光倒搖天在水前伴相呼隨鴈起
帽絮不煖衣生稜老賈獨語愁河水上聞下聞應缺

篙師指直失增減明星欲明霜似糝館陶城南缺

發古城鋪

黃蒿古城風捲沙澗頭衰樹啼寒鴉
歲云暮矣霜露積夜如何其星漢斜
滿衣落月行人起馬上夢魂猶在家

遊吳山駝峯紫陽洞

薩都拉

天風吹我登駝峯
大山小山石玲瓏
赤霞日射紫瑤瑤
白露夜滴青芙蓉
飄飄雲氣穿石屋
石上涼風吹紫竹
掛冠何日賦歸來
掃石篝燈洞中宿

商德符學士桃源清曉圖

趙孟頫

宿雲初散青山濕落紅繽紛溪水急桃花源裏得春多
洞口青烟搖綠蘿綠蘿搖烟掛絕壁飛流直下三千尺
瑤草離離滿澗阿長松落落空碧雞鳴犬吠自成村
居人至老不相識瀛洲仙客知仙路點染丹青寄輕素
何處有山如此圖移家欲向山中住

花鳥圖

揭傒斯

吳中女兒顏色好洗面看花花為悄調朱弄粉不自施
寫作窻間雪衣鳥綠窻沉沉春晝遲半生心事花鳥知

花殘鳥去人不歸
細雨梅酸愁畫眉

山水圖

貢師泰

前山後山雲亂起
山脚入溪清見底
溪南更有山外山
散如浮塵聚如米
老楓枯櫟葉紛紛
下有人家深閉門
釣絲欲收風浪急
却回雙艇來籬根
老翁曳杖行偃僂
一童負樵一童斧
筆端意度盡神妙
卷裏衣冠自淳古
商周寂寞經幾秦
後來莘渭寧無人
茫茫耕釣去不已
武陵竟隔桃花春

伊尹耕莘圖

碧海晝沸白日淪禹鼎欲徙湯網仁長繩短筭行蹙躐
驅牛獨耕莘野雪有時仰面一長吁青天漫漫風烈烈
身居畝畝堯舜心忍看民生墮昏沉乾坤闔闢係出處
幡然起作商家霖先農有詩亦有譜後世南陽詠梁甫

子昂墨竹

虞集

吳興畫竹不欲工腕指所至生秋風古來篆籀法已絕
唯有木葉雕蠶蟲黃金錯刀刀屈鐵太陰作雨山石裂

蛟龍起陸真宰愁雲暗蒼梧泣湘血吳興之竹乃非竹
吳興昔年面如玉波濤浩蕩江海空落月年年照秋屋

京城燕

納新

三月京城寒悄悄燕子初來怯清曉河堤柳弱水未消
墻角杏花紅萼小主家簾幕重重垂街芹却傍簷間飛
托巢未穩井梧墜翩翩又向天南歸君不見舊時王謝
多樓閣青瑣無塵捲珠箔海棠花外春雨晴芙蓉葉上
秋霜薄

新月行

江南小兒不識愁
新月指作白玉鉤
家人見月更懽喜
捲簾喚我登高樓
三年留滯京華裏
衮衮黃塵馬首起
一番見月一番愁
歸心夜逐東流水
在家不厭賤與貧
出門滿眼多故人
誰念天涯遠遊客
只有新月能相親

門有車馬客行

張翥

坐秋雨思秋風
仰睇白日雲中彼
美一人誰容秉心
鬱其忡忡

為客一鼓云何慷慨起舞悲歌巨魚出聽涼波鳴鳥徘徊庭柯

有客有客在門崔嵬高蓋華軒起欲與之語言已叱僕夫回轅

寧不少忍須臾謂我巷不容車北里豪家是趨堂上有笙有琴

盛衰相尋無端媒勞恩絕則然還坐自樂我閒勿謂無知絕絃

元詩體要卷五

欽定四庫全書

元詩體要卷六

明 宋公傳 編

操體

操者操也君子操守有常雖阨窮猶不失其操也若南風思親拘幽猗蘭等操皆稱聖人之詞未敢以為深信後之作有蓋擬之

思魯操

虞集

龜山之陰陰兮有雲垂天河目而海口兮將見其人望

之彌尊兮即之彌親大音寥寥兮中信而真

憫麟操

梁國

道之將行維麟道之將廢維麟謂爾非麟孰得其真謂
爾其麟胡為生也不辰嘯歌傷懷我思古人

東山操

東之山兮高嵯嵯朝上雲氣兮暮雨滂沱軍士告哀兮
歲月蹉跎盡瘁事國兮我心靡他人亦有言兮三叔流
言我實不德兮其又誰讐君王聖明兮無念我祖宗社

固安兮孰敢予侮

辭劍操漁父伍負圖

傳若金

江有阻兮路有岐時將迫兮來何遲子弗渡兮我心悲
既渡子兮我何以劍為吁嗟行兮子無我疑

精衛操

楊維禎

按述異記炎帝女溺死東海化為精衛日銜西
山木石以填東海怨溺死也

水在海石在山海水不縮石不刊銜石向海安口血離

離海同乾

石婦操

石婦即望夫石也在處有之補入琴操悲其志
與精衛同不必問其主名也

山夫折山華山頭朝石婦行人幾時歸東海山頭有時
聚行人歸啼石柱石婦岑岑化黃土

漢水操

即袂襖曲也王子年拾遺記曰周昭王溺於漢

水二女延娟延娛從王夾擁王身同沒焉故江
漢人至上巳日禊集祠間以為風俗

湘水離離徒以斑我衣漢水漪漪可以禊我衣翩然凌
波夾龍飛隨龍雲雨隨龍歸彼望疑兮疑是非

前旌操

衛後母子壽母欲殺前母子伋而立壽使伋乘
舟於河將沉而殺之壽知之與伋同舟不得沉
又使伋之齊令盜見載旌者殺之壽又竊旌前

行盜見殺之似載壽屍還亦死

爾乘舟兮河水濁且深我同舟兮誓與爾同沉母有命
兮諫不我聽示旌以盜兮我先以旌衛有國兮國在兄
殺兄及我兮我不如無生

履霜操

本詞曰考不明其心兮信讒言何辜皇天兮遭
斯愆痛沒不同兮恩有偏誰說項兮如此冤使
是辭果出伯奇則伯奇不得希於舜矣退之辭

亦未至今為補之曰

霜鮮鮮兮草芟芟兒有罪兮兒宿野田衣荷之葉兮葉
易穿採葶花以食兮食不下咽天吾父兮天胡有偏我
不父順兮父寧不兒憐履晨霜兮泣吾天

殘形操

退之作殘形操末語曰臣咸上天識者其誰余
以其辭尚欠歸宿不如拘幽將歸二操語可詠
也遂為補之曰

我夢有獸兮其獸曰狸狸有怪兮身首異而告我以凶
兮戒而戒而我丘有首兮誓死完以歸

箕山操

堯讓天下於巢父巢父曰君之牧天下猶予之
牧犢吾無用天下為莊子有樊仲父牽牛飲水
見巢父洗耳驅牛而還恥令牛飲其下流也

箕之山兮可耕而樵

叶

箕之水兮可飲而游牽牛何來

兮飲吾上流彼以天下讓兮我之以逃

叶

世豈無堯兮

應堯之求吾與堯友兮不與堯憂

箕山操和鐵崖先生首唱

李孝光

箕山之陽兮其水粲粲箕之塚兮白雲幽幽彼世之人
兮孰能遺我以憂雖欲從我兮其路無由朝有人兮來
飲其牛

哀流民操

張養浩

哀哉流民為鬼非鬼為人非人哀哉流民男子無緼袍
婦女無完裙哀哉流民剥樹食其皮掘草食其根哀哉

流民晝行絕烟火夜宿依星辰哀哉流民父不予厥子
子不親厥親哀哉流民言辭不忍聽號哭不忍聞哀哉
流民朝不敢保夕暮不敢保晨哀哉流民死者已滿路
生者鬼與鄰哀哉流民一女易斗粟一兒錢數文哀哉
流民甚至不得將割愛委路塵哀哉流民何時天雨粟
使汝俱生存哀哉流民

曲體

聲音雜比高下長短謂之曲委曲以盡其意若鼓吹

曲橫吹曲皆樂府題辭今隨題立體音聲未暇論也
林鎮江南李孝光吳趨采蓮有魏晉風格徐史元彭
杜趙錙薩何異唐音學者知之可以興起

江南曲

林鎮

高高碧雲樓粲粲珊瑚鈎娟娟一美人炯炯明雙眸妾
居湘江尾君居湘江頭好風吹桃花同向湘江流

又

史紫薇

風淒露冷江南岸瑟瑟寒波秋練練采蓮歌斷紅雲空

蘋葉蘆花結新怨
鴛鴦鸕鶿俱可憐
相呼相倚涉背眠
白頭漁父搖蒼烟
一雙飛上枯樹巔

又 徐廷玉

江南女兒好梳洗
新粧照見秋江水
風裾浪袂木蘭舟
爭採芙蓉綠霞裏
東船兩兩青黛蛾
西船兩兩藍鞵靴
含情不唱採蓮曲
齊唱吳王陌上花
船頭日落紅生霧
相喚相呼出江去
驚起鴛鴦不見人
波上風來聞細語

采蓮曲 李孝光

采蓮復采蓮蓮生隔江水不愁無舟楫但愁波浪起采
蓮復采蓮水深不得歸兒饑須母哺當令阿誰飴

采蓮曲送王伯循

采蓮江之南采蓮江之北采蓮何所有但采蓮中意早
聞別離苦當爾不願從前作相識縱令別離不復相憶

采蓮曲

劉時中

長安女兒淑且濃日日采蓮溪水中笑插荷花照溪水
韶容欲與花爭紅溪中荷花深幾許溪上時時聞咲語

紅酣綠縛不見人應在荷花更深處歸時夜涼溪水清
扣舷踏歌蕩槳行荷葉蓋頭花鬋髻溪上月明朝已平

楊花曲

薩都拉

燕京女兒十六七顏如花紅眼如漆蘭香滿路馬如飛
窄袖短鞭嬌滴滴春風蕩漾搖春心錦箏銀燭高堂深
繡衾不暖錦鴛夢紫簾紅霧沉沉芳年誰惜去如水
春困着人倦梳洗夜來小雨濕天階滿院楊花飛不起

蘭皋曲

溪水長幽蘭芳春溪露滴蘭花光美人一日采蘭去風
吹露濕芙蓉裳芙蓉作裳蘭結佩玉立亭亭臨水際天
寒袖薄人不知疎雨蘭苕鳴翡翠幽蘭日日吹古香美
人不來溪水長

藍珠曲

芙蓉城裏白玉樓。水簾倒挂珊瑚鉤。美人宴坐太清室。
蛾眉不鎖人間愁。彩橋東畔楊花轉。飛入三天紫清殿。
仙裳日暖藕絲香。燕語鶯啼動幽怨。天風泠泠吹珮環。

霞冠不整偏雲鬟蕭郎風骨何可得紫簫赤鳳遊雲間
瑤壇午夜霜華重羅襪生寒紅一寸錦屏甲帳葢珠新
雲房火鼎丹砂嫩天宮仙子淡淡粧桃花洞口逢劉郎
巫山神女弄雲雨楚臺人去空斷腸步虛聲斷闌干外
春去秋來顏色改東風吹老碧桃枝深院無人夜如海

拘攔曲 趙半閒

街頭羣兒晝聚嬉吹簫撾鼓懸錦旗粉面少年金縷衣
青鬟擁出雙蛾眉駢翁前趨罵母誚醜姬嗔妬狂客笑

虬髯奮戟武畧雄蜂腰束翠朱唇小眼前勾作名利場
東馳西騫何蒼惶栖栖猶是蓬蒿客須臾喚作薇垣郎
新歡未成愁已作危途墮馬千尋壑關山萬里客心寒
妻子篝燈雙淚落紛然四座莫浪悲是醒是夢缺
紅鉛洗盡歌管歇認渠元是街頭兒

清江曲

劉因

清江芙蕖玉可憐岸花汀草自年年來鴻去燕不相識
曉露無聲香暗泣江樓縹緲如花人望之見之不可親

無限晴雲錦樹新
愁眉只向遙山顰
遙山一千里長在
愁眉底
鏡裏繁華過眼空
遙山鑄向青銅中
遙山遙望
遙笑萼霜早凋
明日愁眉為誰掃
月白江清天未曉

賦得瀟湘曲送復上人之湖南

銍敬

瀟湘露白西風起
江竹斑斑澧蘭紫
神僧八月遡星河
木杯飛渡瀟湘水
瀟湘兩岸遙相望
仙人霞裾白霓裳
炯炯吳絲照清浦
鳳梭製錦迴龍章
翠管銀牋為誰寫
珎珎珠爛盈把蘭
撓歸來江渚空五
兩懸風疾於馬

鷓鴣啼雨蒼梧秋渺渺吳雲天盡頭翠珉刻得蛟龍字
寄逐南鴻湘水流

昭君曲

楊維禎

明月生西灣明妃西嫁幾時還不見單于謁金陞但見
邊書馳玉關漢家將軍高築壇身騎烏龍虎豹顏何時
去敍燕支山嗚呼何時去敍燕支山

又

胡鴈向南飛明妃西去幾時歸胡酥入饌損我食胡風

中人裂我衣胡音不通言語譯有身分死穹廬域君不
見越中美人嫁姑蘇敵國既破還陶朱嗟嗟孤塚黃草
碧祇博呼韓雙白璧

湖龍姑曲

湖風起浪如山銀城雪屋相飛翻白鬣豎尾舟中泣倒
捲君山輕一粒浪中拍碎岳陽樓萬斛龍驤半空立雨
工騎羊鞭迅雷紅旗白蓋蚩尤開青蛾鬢髮紅藍腮紫
絲絡頭雙黃能神弦歌急龍姑來

湘中曲

彭炳

龍挾天河墮江渚天子騎龍上天去
轟轟藏劍鑿黃雲
日落蒼梧一杯土兩鳳追天住
湘浦紅淚湘筠滿秋雨
青山九點又春歸花落無人見韶舞

春風來

元好問

春風來時瑤草芳綠池珠樹宿鴛鴦
春風去後瑤草歇
來鴻去燕遙相望鴛鴦不得雙
燕鴻天一方娟娟愁眉
色靜與遙山長錦衾復羅薦
夢語相思怨月明烏夜啼

空閨淚如霰

留春曲

杜瑛

絮飛冷屑龍蟠玉花隕香摧鳳銜燭批頰深林叫新綠
倚闌人唱留春曲春光欲去如死灰明年煖風吹又來
如何日日長相守典衣共醉花前杯殷勤留春春不住
白日西馳水東去鏡中絲髮奈老何君當持杯我欲歌

曉寒曲

趙茂元

曲闌蕪穢杏花雨博山烟飛裊晴縷夢回金帳春融融

鸚鵡驚寒隔窻語美人曉粧雲滿梳柳風吹香入氍毹
翠鬟裊裊綰不斷寶釵壓髻紅珊瑚了鬟卷簾采桃葉
驚起一雙黃蛺蝶

雪花曲

失名

苦篁獵獵吹北風黃河水流凝不通天孫手持白鸞尾
笑拂琪花飛碧空崑山玉碎瓊樓裂老龍起舞驚明月
夢覺遊魂不覺寒醉吟紙帳春雲熱東家嬌娘厭桃李
學繡宮花瑣窻裏冷袖擎來欲細觀隔簾火氣催成水

凌波曲

李洞

吳蠶八繭鴛鴦綺繡擁彩鸞金鳳尾昔時啼艷曉粧殘
滿眼春嬌扶不起侍兒解帶羅襪鬆玉纖微露生春紅
翩翩白練輕舒卷筍籜初翻弓樣軟三尺春雲入手輕
一彎新月凌波淺象床舞罷嬌無力鴈沙踏破參差跡
金蓮窄小不堪行自倚東風玉階立

和王守之斷腸曲

杜元

翩翩白馬垂楊陌千金結交五陵客白苧細摺玉繫腰

迎風葉葉衣袖飄青樓夜夜隈香玉錦帳殷紅射銀

缺

蘭房寂寞瑣窗春一月不動羅幃塵昨宵醉歸扶不起
天明又入長安市

又

桃花夾堤春水滑棹歌三疊行舟發行舟去去東復西
幾度桃花二三月花前一別一回老相思日多歡樂少
君重黃金輕別離黃金買得少年時

夜夜曲

李仲南

玉窻結怨歌幽獨絃絕鸞膠幾時續銅龍漏促春夜長
冷雨酸風亂心曲閒薰翠被鬱金香拂拭繡枕屏山綠
飛飛乳燕歸不歸寂寞流蘇帳前燭

西樓曲

元好問

遊絲落絮春漫漫西樓曉晴花作團樓中少婦弄瑤瑟
一曲未終坐長歎去年與郎西入關春風浩蕩隨金鞍
今年足馬妾東還零落芙蓉秋水寒并刀不剪東流水
湘竹年年淚痕紫海枯石爛兩鴛鴦只合雙飛便雙死

重城車馬紅塵起
乾鵲無端為誰喜
鏡中獨語人不知
欲插花枝淚如洗

送周生

李孝光

二月已暮江水深
春風吹折行人心
山頭明月落未落
杜鵑夜半莫哀吟
泊船上有青楓林

又

三月欲來花繞陌
又唱銅鞮送行客
男兒莫爾可憐生
男兒生身好顏色
拔劍起舞雞鳴柵

北風寄陳輔賢

蕭蕭北風吹客船月未出海天蒼然客子放歌脚扣舷
簫臺東頭天接海簫臺西頭山刺天

又

君行西過釣臺口寄謝江邊老病叟坐看雲臺落人手
丈夫豈敢愛微軀奈此黃花一尊酒

吳趨曲送薩天錫

四座並清聽有客歌狹邪狹邪不可聽聽我為爾歌吳

趨美人珠襖貂諸于美人寶釵有九雛美人投我明月珠

羽林

公子披我白鼈裘公子遺我明月珠孤兒假父云姓劉
其官高於五諸侯公子之恩何日酬

大星

大星在天小星落城頭嗚嗚吹畫角津吏擊鼓河上船
行人草草居人憐男兒墮地孤矢願南北東西君莫怨

輓陳堯

貢師泰

堯草廬吳先生門人也有俊才卒年十八其妻亦痛哭而絕

垂舟沃酒魚口熱小袖菜衣雙鳳結春歸白玉不禁寒
雪兔西沉半山缺望夫化去孤石裂死與韓憑誓同穴
鬼狐寒食上新丘陰風自掃梨花雪

塞上曲

元好問

平沙細草散羊牛一簇征人在戍樓忽見隴頭新鴈過
一時迴首望南州

采桑曲

趙孟頫

野雉朝雊雊且飛誰家女兒採桑歸欲折花枝插了髻
還愁草露濕裳衣

雙蝶曲

楊維禎

恨妾不似朝雲去恨郎不似暮鴉歸夜來別枕有同夢
夢化一雙蝴蝶飛

蜂燧曲

美人方一笑烽火不須驚昨夜驪山下西戎已結兵

牧羝曲

老羝何日乳歸鴈忽能言不逐虞常死丁零尚有恩

漸臺曲

皎日常持信倉皇不改貞君王符不到水長漸臺傾

城門曲

謀報越王兵城門夜不扃孤臣睛不死門月照人青

蘇臺曲

吳王張高宴臺下閱犀兵高臺三百里不見越王城

昭陽曲

美人新睡起內史報蘭湯散盡黃金餅無尋赤鳳凰

銅雀曲

帳中歌吹作玉座奉晨曛西陵迷望眼日暮起浮雲

秦宮曲

妾自夫君戍桑陰路不通將軍哮似虎少婦竊秦宮

雌雄曲

妾夫曉出塞妾夜馳孤忠誓作干將劍一死雙雌雄

欽定四庫全書

元詩體要
卷六

十七

採蓮曲

東湖採蓮葉南湖採蓮花一花與一葉持寄阿侯家

又

同生願同死死塋清冷注下作鎖子藕上作雙頭花

賭春曲

闌草歸來後開筵又賭春階前撒珠戲獨是得雙人

春波曲

家住春波上春深未得歸桃花新水長應沒浣紗磯

空桑曲

高樓有獨婦白晝彈空桑門前誰下馬不是五樓倡

洞庭曲

日落洞庭波吳娃蕩漿過道人吹鐵笛風浪夜來多

吟體

吁嗟感慨如蛩蛩之吟讀之使人怨思如白頭梁父
處女者是也今錄中吟咏悽惋之情有唐音所不及
者

湘江吟

周衡之

離思溢冲抱遊子感年歲長洲藹芳杜湘雨濕行旆青
林動江色杳杳白鳥逝歌騷佇高風誰與奠椒桂

又

天寒楚雲靜木落湘山幽空江夜來雨水蒲蘆花洲西
風何渺渺滄波日悠悠有懷誰與言注目孤鴻秋

桃李吟

周豈

我為桃李吟聲調一何苦昨日滿園花今朝半塵土桃

李不長春苦調難再陳君看道傍婦昔日朱門人

梁園吟

元好問

雙鳳簫聲隔彩霞宮鶯催賞玉谿花誰憐麗澤門前柳
瘦倚東風望翠華

雙燕吟

黃君瑞

雙燕雙雙飛更復雙雙栖穿花掠水雙銜泥簷前葺壘
雙哺兒春風一雙至秋風一雙歸念爾雙不得故巢須
獨依莫學人妻朝亡其夫莫嫁之莫學人夫莫亡其妻

朝納妃

秋宵吟

趙茂元

平林薄暮風淅瀝黃金滿地秋狼藉新月出嶺光欲流
萬籟無聲夜寥閨誰家美人吹鳳簫彩鸞對舞摩青霄
闌干縹緲碧雲遠天風入骨涼蕭蕭銅壺水寒銀箭澁
玉露滴空衣袂濕缸花落盡爐烟收幽懷耿耿生新愁
寒蟬啼碎人間秋

對月吟

韓中村

霜風捲地霜氣乾碧空照水生晴寒天公合就七寶團
何年轉向玻瓈盤婆婆老樹籠仙窟夜夜飛從海底出
遂使時光挽不留盡向婆婆影中沒幾人綠髮紅顏好
照見顏衰髮應槁年去年來無盡時政恐月中人亦老
客窻見月空沉吟碧紗如霧愁人心燭光撲散香滿襟
下階踏碎梧桐陰

棄婦吟

萬石德躬

上堂拜姑姑不語門外上車別隣里命輕不敢怨它人

回頭却看房中女女子勿啼汝父賢必不嫁汝狂少邊
丈夫有心只如一蕩子情多無十年風吹柳花春日暮
隣姬送上來時路父母俱亡門戶衰未到先愁兄嫂怒
歸來明鏡半無光繡帶雙紅空斷腸今夜無人看夫壻
雨打寒窗歸夢長

可惜吟

余闕

春風吹人上粧樓樓頭畫眉望池州平生倚君似山海
十年不見胡不愁東家買紅聘小女西家迎鸞夜擊鼓

眼看拾翠同年人，今又堂堂作人母。良人良人固家貧，
妾身待君亦苦辛。只愁明鏡生白髮，有錢難買而今春。
此心懸知燕堪托，裁書繫渠左邊腳。願將妾言入其幕，
纈紋資裝亦不惡。

段節婦吟

貢師泰

海可塞山可移，志不可奪義不可虧。妾為段家婦，年紀
方及笄。上堂奉公姑，入室攜兩兒。兒死夫亦死，此生將
何為。昔如雙鴛鴦，今日為孤雌。昔如三春花，今日成枯

枝寒風吹短髮明月照空帷百年在世能幾時父兮母
兮不我知青天在上將誰欺

嘆體

沉吟深思發乎太息謂之嘆昔南蒯之將叛其鄉人
或知之過之而嘆者是矣唐李涉有六歎詩此言之
不足故嗟嘆之也今貧婦征婦等結語無怨惡而含
忠愛之意情之至而義之盡也

貧婦嘆

貢師泰

結髮事夫子相期首俱皓如何割歡愛長年在遠道井
臼甘勤勞衣食無完好妾身徒區區妾心實杲杲鳥飛
尚投林魚遊亦依藻君非魯秋胡貞心諒同保

美人嘆

胡秋

高樓美人一點雪翠袖舞落青天月樓上酒盃乾樓頭
杏花折綠帶鴛鴦雙繡結逆郎送郎別明日新腔為誰
發

征婦嘆

韓中村

虎頭將軍眼如電領兵夜渡黃河面良人腰懸大羽箭
遼東掠地遼西戰一紙紅牋寄春怨十年消息無歸便
日長花柳暗庭院斜倚粧樓倦針線心憶良人嗔不見
手擲金彈打雙燕無術平戎報明主恨身不是奇男子
倘妾當年未嫁夫請學明妃青塚死

紀信嘆

周衡之

沛中龍奮芒碭雲咸陽楚炬三月焚兩雄角起塵在野
三戶有楚無強秦貔貅百萬紛如雪戈矛盡染英雄血

旌旗曉蔽大河雲
兵塵夜暗中原月
滎陽數載戰不休
重圍食盡漢亦憂
將軍詐帝出降楚
脫帝虎口真良儔
夫何諸將已平楚
事定論功列茅土
獨無旌美到將軍
不得褒名紀明府
男兒死節志已酬
瞑目地下夫何求
吁嗟功怨俱悠悠
漢廷雍齒還封侯

古釵嘆

吳嵩

何年美人寶釵失
深井沉沉污玃璫
一朝拾得再揩磨
三回五回看嘆息
雙鸞匹鳳兩股勻
終然污色難為新

當時光瑩照頭上有似桃李搖青春今人不識古儀狀
寶釵雖好非時樣為君挿罷擁髻悲物無貴賤皆隨時

老牛嘆

楊果

老牛帶月原上耕耕兒怒呵嗔不行癰瘡滿背股流血
力之不勝空哀鳴日暮歸家羸欲倒水冷其枯荳顆少
半夜霜風徹骨寒夢魂猶遶桃林道服箱曾作千金犍
負重致遠人所憐而今棄擲非故主飽食不如盜倉鼠

甘菊嘆

覺恩

手栽甘菊岩之阿一十一莖為一窠當暑不灌亦不摘
自然生意成婆娑頗怪秋來風雨橫枝條滿地根鬚迸
青蟲食葉還食心小草閒花出頭上林間一夜清霜飛
蟲死草枯唯菊枝黃金錯莫看愈好三嗅馨香徒自悲

蕨萁嘆

黃君瑞

信州州官萬鍾粟殺馬槌牛日絲竹信州鄉民蕨作糧
三月懷饑聚頭哭蕨萁開葉不可食蕨根有粉聊鋤饒
偏攻性冷損胃氣民面生黃苦憔悴縣不申聞郡不知

官倉有米重封閉重封閉將若何衆人歌我蕨箕嘆九
莖莫唱靈芝歌

怨體

怨恚恨也亂世之音怨以怒如長門婕妤昭君等作
載于樂府詩集者不少其聲哀思激切今之選者類
此落花楊柳得比興意秋風輓轡有賦咏體青閨長
門樂天不能過之結楊柳王張何足多讓其諸絕句
情見乎辭皆不得不錄者

落花怨

林清源

落花怨東風情薄不可托紅顏為君開衰顏為君落願
落流水中隨君遠漂泊

楊柳怨

楊柳怨春江何事多離別年年枝上青日日行人折安
得如桃李常使人娛悅

婕妤怨

趙文

團圓一片冰出自蠶女紅何言入君手動搖生清風一

朝棄篋笥零落如秋蓬時節自當爾君子詎無終

秋風怨

元好問

碧瓦高梧響疎雨坐倚薰籠時獨語守宮一着死生休
狗死雞飛莫為女雲間簫鼓夜厭厭禁漏誰將海水添
一春門外羊車過又見秋風拂翠簾總把丹青怨延壽
不知猶有竹枝鹽

歸舟怨

渡頭楊柳青復青閨中少婦動離情只從問得狂夫處

夜夜夢到洛陽城南風吹櫓聲北鴈鳴嚶嚶江流望不
極相思春草生

紅窓怨

周竹坡

啼鶯喚起紗窓夢紅日滿簾花影弄翠屏香字冷薰爐
羅衣疊損金泥鳳去年君去燕歸時今年燕來君未歸
欲把相思挑錦字夜寒嬾上鴛鴦機起來翠袖香羅薄
東風滿地桃花落

輓轡怨

范曄

門前水揚聲似雨幽人當窻碧絃語東里狂夫去不歸
一雙蛾眉鏡中舞年年井上攀轆轤勞心只恐秋葵枯
他家種得長生草梅花落盡青青好

青閨怨

袁桷

妾家住在湘江曲門枕湘江春水綠年年長是暮春時
兩岸人家啼布穀自君話別湘江頭獨上層樓彈箜篌
蛾眉不掃遠山碧滿堤芳草春正愁舉頭不見君但見
湘江雲江雲聚復散妾心空如熏舉頭不見君但見湘江

水江水去不回妾顏為誰美湘江雲湘江水雲水悠悠
何日已舉頭望君君不回門前楊柳空依依

結楊柳怨

元好問

長樂坡前一杯酒鄭重行人結楊柳可憐楊柳千萬條
看看盡入行人手輕烟細雨綠相和惱亂春風態度多
路人愛此風流樹無奈朝攀暮折何朝攀暮折何時了
不道行人暗中老素衣今日洛陽塵白髮明朝塞城草
柳色年年歲歲青關情何事管離情春風誰向丁寧道

折盡垂條莫再生

江南怨

薩都拉

江南怨生男遠遊生女賤十三畫得蛾眉成十五新粧
識郎面識郎面面猶淺千金買官遊不轉郎家水田跨
州縣大船小船過淮甸買官未得不肯歸不惜韶華去
如箭楊花簾幙飛乳燕踈雨梧桐閉深院人生無如江
南怨

長門怨

宋无

金壺咽漏蓮花澁銀箭浮遲渴烏泣知更阿監羅襪冰
暝對星河玉階立內官唱漏吹曉籌芙蓉魂破燕支愁
起來粧罷窺繡戶三十六院殘燭幽建章風傳鳳吹遠
翠華晨幸昭儀館瑩篴不語心自語愁長如天恨天短
紅裯暖踏楊花雪絳縷閑封守宮血鸚鵡空猜警蹕聲
春寒緊護流蘇結

又 楊維禎


阿嬌盼美目阿嬌住金屋金屋瑤華春未老長門一夜

生秋草蜀才人金百斤受金為我賦長門賦長門寫春
愁君王見之為傷秋臨邛溝水東西流不知少婦悲白
頭

人最怨

兒為王母為囚朝春暮春無時休天高地厚日月愁母
苦不得從兒遊漢家謀臣張留侯老人立致商山頭君
王輕信羽翼愁十年身後知安劉髡鉗之人何以留

原
闕



元詩體要卷六